



ՀԱՅՐԱՊԵՏԱԿԱՆ ՏՆՕՐԻՆՈՒԹՅՈՒՆ ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ՀԱՅԱՍՏԱՆՅԱՅՑ ԵԿԵՂԵՑՈՒ ԹԵՄԱԿԱՆ ԿԱՌՈՒՑՎԱԾՔԻ ՆՈՐ ԴՐՈՒԹՅԱՆ ՄԱՍԻՆ

Նկատի ունենալով Հայաստանի Հանրապետության մեր վարչատարածքային բաժանումը (11 մարզերի դրույթը),

Նկատի ունենալով Հայաստանյայց Առաքելական Սուրբ Եկեղեցու հովվական, կրոնական ժողովրդական գործունեության զորացման և գործնական արդյունավորման անհրաժեշտությունը,

Նկատի ունենալով ման պատմական անցյալի որոշ ավանդույթները,

Հետ խորհրդակցության Մայր Աթոռ Ս. Էջմիածնի Գերագույն Հոգևոր Խորհրդի Հայաստանում ապրող և գործող անդամների հետ,

Այսու Հայրապետական պաշտոնագրով կատարում ենք հետևյալ բարեփոխությունները մեր Եկեղեցու թեմական կառուցվածքային բնագավառում:

Սույն պաշտոնագրով Հայաստանի Հանրապետության տարածքում մեր Եկեղեցու թեմերը կարգավորում ենք ըստ հետևյալին.

1. Արարատյան Հայրապետական Թեմ՝ ներառելով Երևան մայրաքաղաքը և Արարատի մարզը:

- Առաջնորդական փոխանորդ՝ Գերշ. Տ. Գաբեգին Արքեպս. Ներսիսյան

2. Ծիրակի Թեմ՝ ներառելով Ծիրակի մարզը:

- Առաջնորդ՝ Գերշ. Տ. Գրիգորիս Արքեպս. Բունիաթյան

3. Գուգարաց Թեմ՝ ներառելով Լոռիի և Տավուշի մարզերը:

- Առաջնորդ՝ Հոգշ. Տ. Սեպուհ Վրդ. Չուլյան

4. Սյունյաց Թեմ՝ ներառելով Սյունիքի և Վայոց Ձորի մարզերը:

- Առաջնորդ՝ Հոգշ. Տ. Աբրահամ Վրդ. Մկրտչյան

5. Արմավիրի Թեմ՝ ներառելով Արմավիրի մարզը:

- Առաջնորդ՝ Գերշ. Տ. Ասողիկ Եպս. Արիստակեզյան

6. Արագածոտնի Թեմ՝ ներառելով Արագածոտնի մարզը:

- Առաջնորդ՝ Հոգշ. Տ. Նավասարդ Վրդ. Կոչյան

7. Գեղարքունյաց Թեմ՝ ներառելով Գեղարքունիքի մարզը:

- Առաջնորդ՝ Գերշ. Տ. Անանիա Եպս. Արաբաջյան

8. Կոտայքի Թեմ՝ ներառելով Կոտայքի մարզը:

- Առաջնորդ՝ Հոգշ. Տ. Առաքել Վրդ. Քարամյան

Հրահանգել ենք բոլոր մեր նշանակյալ թեմակալ Առաջնորդներին, որ շրջագայեն իրենց համար նշանակված թեմական ծառայության շրջանները և ուսումնասիրեն այժմյան կացությունը կրոնական-եկեղեցական-հոգևոր մարզե-

րում, վիճակագրական տվյալները ձեռք բերեն առարկայական ստուգումներով, ճշանակեն առժամյա թեմական խորհուրդներ իրենց թեմի ընդհանուր գործերի ղեկավարման համար, կազմեն եկեղեցական ծուխեր և զբաղվեն իրենց թեմերի կրոնական կյանքի զարգացման ծրագրերով:

Սպասում ենք մեր հայրենի կառավարությունից և մարզերի պետերից և քաղաքային իշխանություններից հարկ եղած աջակցությունը ընձեռել բոլոր Թեմերի Առաջնորդների եկեղեցական գործունեությունների քարվոք ընթացման համար:

Հորդորում ենք մեր սիրեցյալ ժողովրդի զավակներին, որ բոլոր Թեմերում կրոնական վերաբերմության առողջ գիտակցությամբ ընդառաջ գնան Թեմակալ Առաջնորդների հովվական, կազմակերպական, քարոզչական աշխատանքներին՝ բոլորին հիշեցնելով մեր Ս. Եկեղեցու խորախորհուրդ շարականի քառերը՝

« Եկայք շինեսցուք սուրբ գխորանն լուսոյ

Քանզի ի սմա ծագեաց մեզ լոյս

Ի Հայաստան աշխարհի»:

Հայաստանի Հանրապետության այս հառաջագնաց կյանքում թող մեր ազգային Եկեղեցու հարազատ ավանդույթները, քրիստոնեական հավատքի որպես ճշմարիտ արտահայտություն, վերակենդանացնեն մեր ժողովրդի առօրյա հասարակական կյանքում:

Այս նախանձախնդրությամբ՝ ողջունում ենք բոլորիդ և սպասում, որ հոգևոր վերազարթոնքի շարժումը վերստին տարածվի մեր մայր հայրենիքում և համայն հայ ժողովրդի կյանքում:

«Ողջ լերուք ի ՏԵՐ զօրացեայք շնորհօք Սուրբ Հոգւոյն և յաւետ օրհնեալ ի ՄԷՆԶ»:

ԳԱՐԵԳԻՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

30 Մայիս, 1996

Ս. Էջմիածին

